

百六十分位上啓神功妙濟真君伏以至神無像雖莫能名成德在人姑從所式表願蹟肇焉微稱莫享欽崇永綏福地其無任誠惶誠恐懇禱之至謹詞仰降真君冊告表文臣某祇奉高真攀揚願仰太霄之在望枝靈宇以申虔美利所加既作黎民之福純熙來被更延景曆之昌臣無任精虔激切之至謹奉表奏告以聞臣某誠惶誠恐頓首謹言玉冊文曰維政和二年歲次壬辰五月丁巳朔十七日癸酉皇帝再拜言曰天眷用懋寵綏四方爰有至真克相上帝烜威赫德錫美降康而名號弗宣曷彰報典迺詔有司考循秘牒發揮道懿垂示無窮共惟真君躬握元圖密庸妙契繇魏迄晉嗣休炳靈服之錫疇一方仗賴翦妖馘毒三氣獲分肆膚甚姆之符崇啓都仙之籍超昇璇極載紀綿邈廟像屹崇風烈如在剡矣暉之有赫方星運之邛隆荐降嘉祥幸彰幽贊檣樓響答民物阜寧宜極微稱以昭嚴奉謹遣朝奉大夫充集賢殿修撰知洪州軍州管幹學事兼管內勳表

使充江南西路兵馬鈐轄護軍賜紫金魚袋王粵上尊號曰神功妙濟真君洪惟降鑒誕受丕章休我無疆保茲景命俾緝熙於純嘏用敷錫於群倫謹言政和六年改觀為宮真君昭靈著驗非一屢承恩寵事跡詳載道達

山玉隆萬壽宮志

臣道一曰許太史辭棄官祭潛心道法活民則行符呪水除害則誅蛟斬蛇行滿功成高陞仙品然而鄉黨化其孝友交游服其德義隨機應物不異常人但所居之處常有鳴鶴翔飛景雲旋遶而已其在仕也政有可觀其歸隱也內則修丹外則混俗真神仙之雄傑者也道德經曰道沖而用之或不盈淵乎似萬物之宗挫其銳解其紛和其光同其塵湛兮似若存吾不知誰之子象帝之先許太史得之也

歷世真僊體道通鑑卷之二十六

歷世真僊體道通鑑卷之二十七

洪七 淳雲山聖壽萬壽宮道士趙道一錄

吳猛

吳君名猛字世雲漢陽人仕吳為西安令因家焉今分寧縣是也性至孝齋醮時夏月手不驅蚊懼其去已而嘗親也年四十得至人丁表神方繼師南海太守鮑觀復得秘法吳黃龍中天降白雲符投之遂以道術大行於吳晉之間晉武帝時許真君從世雲傳法世雲盡以秘要授之永嘉末杜欽寇蜀攻陷州縣真君既誅大蛇世雲曰蛇是蜀精蛇死則杜欽滅矣卒如其言嘗見暴風大作書符擲屋上有青鳥嚙去風即止或問其故荅曰南湖有舟過此風中有二道士呼天求救故以此止之驗之果然西安令于慶死已三日世雲曰令長數未盡當為訟之于天遂卧於屍傍數日與慶俱起慶第著作郎寶感其異遂作搜神記行於世嘗渡豫章江值風濤之舟世雲以所執白羽扇畫水而渡觀者駭異晉云吳猛豫章人少有孝行夏日帶手不驅蚊懼其去已而嘗親也年四十邑人丁義始授

其神方因運豫章江波深急無不假晉孝武帝宣康二年真君上昇世雲復還西安是年十月十五日上帝命真人周廣捧詔召世雲遂乘白鹿車與弟子四人白晝冲昇宅號紫雲府今粉年縣吳仙村西宋徽宗政和二年

五月準誥封真人詞曰洪都福地紫府列真既靈異之有聞豈褒崇之可後以爾早學至道嘗悟秘言遁化施行世稱慈父功行甫就飛昇帝鄉大江之西尚存故宅凡禱輒應吾民是依錫之新封用彰德懿朕命惟允其鑒于茲可特封神烈真人

陳勳

陳勳字孝舉蜀川人博學洽聞時魏道鍾會鄧艾伐蜀劉惔降孝舉時高少已有出塵之志入青城山師谷元子求度世之法繼聞許真君在桂陽仁政及民走謁公庭願充書吏真君嘉之付以吏職凡表率董流設化民俗撫字之術裨益為多遂引為門弟子而託以腹心典司經籍守視藥爐真君冲齋命執策導前焉昔玉隆宮西廡有孝舉道院號承仙

府手植巨柏一株其院西北而居宋徽宗政和二年誥封正真人其詞略曰以爾早以誠懇師事道君門人之中獨掌秘奧功行甫就撫懷而昇大江之西儼有遺像君始

周廣

周廣字惠常廬陵人大將軍瑜之後少好天大音律之學長通无為清靜之教嘗與同志遊巴蜀雲臺山得漢天師驅翦精邪之法救民疾苦聞許真君在桂陽徑詣公庭願備下執真君納之令供侍杖屨風夜惟勤遵行道法始終不怠還居私第左右無違乃就宅西百餘步間築室以居真君飛舉惠常與曾與國同驂龍車宅號宣詔府唐保太中州牧周修營其宅改曰宣詔府有今公知真人為祖碑刻尚存焉今曰太虛觀宋徽宗政和二年封元通真人其詞略曰以爾早契山宇師事仙君元化通神能得其道功行甫就借昇帝鄉大江之西儼有故迹首尾同吳君誌

曾亨

曾亨字興國泗水人參之後也少為道士天資明敏博學多能修三天師之教逆知來物

名山列嶽有路必通妙訣靈符無治不愈神人孫登見之曰子骨秀神慧砥礪精勤必作霄外人矣子勉之後隱居豫章之豐城聞許真君道譽投謁門下願侍中凡真君雅器重之神方秘訣無不備傳後駭龍車昇天今豐城縣真陽觀是其道跡宋徽宗政和二年誥封神惠真人其詞略曰以爾骨秀神惠天稟殊安師事仙君雅與道合功行甫就借遊帝鄉大江之西尚存壇井首尾同吳君誌

時荷

時荷字道陽鉅鹿人少為道士入四明山遇神人教以胎息衆妙之術用能却寐絕粒役使鬼神驅除邪魅點化金玉賙濟窮苦民受其賜聲聞遠邇惠懷之世聞許真君孝道法盛行江左徒步踵門願充弟子真君納之授以秘訣復遣還山教導徒衆晉明帝詔赴闕師問之堅不願留竟歸依棲侍側孝武帝嘗康二年與陳季舉執冊導從昇天有遺迹在豫章城號紫蓋府今南昌縣廳是也東海休陽縣奉仙觀乃其舊隱宋政和二年封洪施

真人其詞略曰以爾系出東海世稱仙材能自得師以有洪範前驅龍節參駕同昇大江之西尚存故宅首尾同吳君語

甘戰

甘戰字伯武豐城人以孝行見推於鄉黨遭

時亂離晦迹草澤喜神仙久視之術聞許真君行孝道法除害利物遂造門懇請願備驅

役真君異其材器可其所請至真君上昇復付以金丹秘訣伯武後歸豐城布德行惠至

陳宣帝大建元年正月七日亭午天詔下乃

駕麟車乘雲而去今縣中清如動其故宅號

華陽亭有飛黃觀為之奉祀宋徽宗政和二

年封精行真人其詞略曰以爾幼曉道杖長

事仙君驅妖除邪厥功甚茂精行既備昇遊

施本

施本字太玉沛郡人祖朝仕吳因徙居九江

赤烏縣太玉狀貌雄傑勇健多力弓劍絕倫

許真君初領徒衆誅海昏大蛇會鄉壯三百

餘人來助力太玉預焉致恭懇乞願充役者

真君納之與甘伯武常執劍侍左右晉孝武

帝宣康二年十月二十八日晨見東方日有

一童子乘綵雲執素策驅蒼虬降其所居宣

玉帝詔遵御蒼虬乘雲而去真君宅東南二

里間有壇曰紫玉府即其所栖之地西額鎮

江干石上有觀今額為太玉眺臺南昌之地

亦有之皆所以眺望水妖也唐神仙傳有

約奉宋徽宗政和二年封勇悟真人其詞略

曰以爾性勇而悟能自得師授以至言俾之

入室神童指妙飛昇帝鄉大江之西故宅猶

在首尾同吳君語

彭抗

彭抗字武陽蘭陵人舉孝廉仕晉累遷尚書

左丞密修仙業以病辭朝師事許真君仍納

愛女為真君子婦舊以彭女為夫人非也故

帝永嘉末化後婦誅賊而彭君在許其年已

七十六矣復觀四偶手嬰問其夫人用

祖永初二年義熙二年八月二十四日舉家

二十六日白日昇天今郡城宋徽宗政和

二年封潛息真人其詞略曰以爾絕名去利

潛默內修竭誠親師授以秘要功行甫就飛

昇帝鄉大江之西尚存故宅仙室靈壇儼有

陳迹首尾同吳君語

盱烈

盱烈字道徽南昌人少孤事母以孝聞母蓋

許真君之姊也真君九二姊盱母為之五

居乃築室宅西數十步間俾居之故母子日

聞道妙真君每出則盱母代掌其家事仙賓

隱客咸獲見之胡天師不處詞曰吾昔母子

並受玉皇詔部分仙眷昇天今塔西道院乃

其舊居儀府宋徽宗政和二年詔封和靖真

人其詞略曰以爾學真君之道悟五煉之源

推性閑和動合大化卒與其母偕昇帝鄉大

江之西尚存故宅首尾同吳君語

鍾離嘉

鍾離嘉字公陽一字南昌人真君仲姊之子

少喪父母植性簡淡真君嘗嘆其有受道之資乃授之神方能拯救付之妙訣能役逐真君昇天首有金丹之賜是年十月十五日中碧霞寶車自天來迎公陽拜詔昇車而去新建象牙山西源是其所居也有觀曰丹陵石藥曰尚存號鍾玉府宋徽宗政和二年詔封普惠真人其詞略曰以爾持修煉之術善符禁之能普惠通避功行昭著真君付訣昇遊帝鄉大江之西尚存故宅首見同吳君誌

黃仁覽

黃仁覽字紫庭高安人父輔字萬石舉孝廉仕至御史紫庭神彩英秀局量凝遠真君以女妻之盡得真君之道任青州從事單騎之官留妻侍父母然每夜輒歸人莫得知一夕家僮報許氏院中夜有語笑聲姑訊之許氏曰黃郎耳姑曰吾子從仕數千里安得至此許氏曰彼已得仙道能頃刻千里戒在漏語故不敢令姑知姑曰若然當使我見之是夕紫庭歸許氏告以故比明紫庭不得已出謁父母曰仁覽雖從宦遠鄉夜必潛歸膝下仙

道秘密不可泄言恐招譴累言詭取竹杖化為青龍乘之而去故萬石亦知仙道足慕執弟子之禮以事真君惟紫庭二弟勇健不檢日事遊畋雖父兄奉詔飛昇而二人尚在獵所自言受性縱逸不堪作仙任兄舉族飛騰容我二弟捕鹿紫庭嘆其賦分復折草化鹿

以此其妄心遂與父母三十二口乘雲而東從真君仙駕昇天二弟後隱於西山今方門五部是也仙仗既行雲間墜下石礎藥曰各一瑞州高安縣祥符觀善傍有許氏墜釵洲宋徽宗政和二年詔封沖道真人其詞略曰

以爾襲初平之慶稟非常之資師事道君洞該至妙功行甫就昇遊帝鄉大江之西尚存故宅首見同吳君誌仁覽父輔亦求為真君弟子真君以其懿戚持以客禮故不與十一人之數諸弟子受法皆許傳族壇靖各立府亭之名其教大儀曰府小儀曰亭行持道法以人數多寡名之

蘭公

昔有異人姓蘭名期人莫敢呼其名稱之曰蘭公初居兗州曲阜縣高平鄉九原里其家

百餘口精修孝行致斗中真人下降其家自稱李悌王諱弘康字伯中語蘭公曰始氣為大道於日中為孝道仙王元氣為至道於月中為孝道明王玄氣為孝道於斗中為孝悌王夫孝至於天日月為之明孝至於地萬物

為之生孝至於民王道為之成吾於上清以下託化人間示陳孝道之教後晉代當有真仙許遜傳吾孝道之宗是為象仙之長因付蘭公秘旨及金丹寶經銅符鐵券令傳授丹陽黃堂靖女真譙姆且戒之曰將來有學仙

者許遜汝當以此授之孝弟王遂將蘭公遊於郊野道傍忽有三古塚指以示蘭公此是汝三生解化之迹其第一塚乃昔尸解所遺仙而已第二塚乃太陰煉形形體已就今當起矣第三塚藏脫骨耳宜移塚傍之路勿令人物踐履也孝悌王言訖昇天蘭公乃榜示行人斷其舊路人謂其妖妄擅移路遂執以詣官官吏拘公而詰其驗公具以前事對官吏云必若妄言將加誅公曰吾言得之孝悌

王安得妄官吏遂引蘭公與地分對開其塚

其第一塚果有黃衣一領其第二塚見一人重顏弱質如睡初覺之狀第三塚見有連環骨一具象成驚嘆吏乃持衣還獻府君著衣著衣不能勝還與蘭公服之即同塚中之人合為一體身軀舉官吏悔謝虔懇拜問

何時再降人間後十蘭公俯語之曰我自此或十日或百日一降施行孝道以濟迷塗其後其都有十五歲童子丹陽三歲靈童並是真仙之化身也將弘孝道之教以授合仙之士焉

臣道一曰蘭期積世修真念不忘道至感

斗中真人下降示陳孝道以開來證其仙子如蘭期者誠之至焉者觀其三生解化之迹昭然動人至於妙合形神身軀輕舉蓋以一誠而歷四世仙道竟成豈旦夕之功行哉道德經曰不失其所者久死而不

亡者壽豈非蘭期之謂乎

許大

許大真君之役夫也真君上昇之日適與其妻運米出市今西聞真君昇天夫婦推覆米車奔馳而歸至則仙仗已與夫婦撫膺哀號

乞從行真君告以善功未備不應飛昇乃授以地仙之術夫婦俱隱于西山其覆車之未在地復生今地名韓車既隱不欲人識改姓曰午又為人所知復改曰千夫婦各有詩留於世千君詩曰自從明府昇天後出入塵寰直至今不是藏名混世俗賣柴沽酒貴

忘心其妻詩云醉舞狂歌踏落花綠羅裙帶有丹砂往來城市賣生藥祇箇西山是我家又詩云出入仙鄉不記春豈知塵世有寒溫兒家祇在西山裏除却白雲誰到門因千君

出遊經時不歸獨步醮壇有感而作昨日因遊到翠微醮壇風吟杏花稀碧桃為我傳消息何事人間去不歸許大夫婦聞真君將上昇苦求隨行真君以詔使告合從昇天人數已有定命難徇其請故預期使之出幹雖覆

車而歸已無及矣今時人有見之者警神錄云洪州西山中有樵人自稱千大衆莫知其名時出村落與人相接拱揖而已未嘗交一言人欲問之輒揖而去有少年者俟其出拜之曰願事先生千大驚欲去少年急捉其衣

褐隨之而往千大曰爾何為者輒對曰願事先生且拜且行經歷險絕輒不覺捨久之乃坐澗水傍曰爾欲茶不少年曰諾即解衣襟間取茶未置少年掌中使掬水吞之訖因卧良久而寤遂失千大尋樵路而出乃分寧縣界數日還家少年自此輕健無疾

胡惠超

天師胡惠超字拔俗不知何許人也莫知其年壽唐高宗上元間來自廬山栖於豫章西山之洪井幅巾布褐徒行負杖至游惟觀見同輩手不執板擊拳而已美鬚眉體貌瓌偉類四十許歲人身不甚長然每處稠人中其首獨出其上雖至長者止及其肩故時人稱為胡長仙人問其年幾何曰五十二歲逾數十載問之亦復云然至論晉宋已來治亂興廢纖毫_十不差喜談晉司空張華文物如其友或云許吳君嘗授其延生煉化超三元九紀之道能檄召神靈驅奮雷雨至陶弘景校茅山華陽洞太清經七十卷天師亦與焉背縫畫朱書其姓名覽之者皆見之又曰吾昔

到此客於肝姆用是不知為何代人物也每
逢路傍暴骨遺骸悉為瘞之地有古物寶器
掘之如其言而獲聞邪怪之物疾之如寇讎
即務翦除之時豫章西門有樟木精為獨足
神大興怪祟邀人淫祀天師一見叱罵書符
禁制即命斬伐積薪灌油以火焚燎妖祟遂
滅以地為觀舊名信果昔游惟觀唐初荒廢
因問主觀胡不修葺答以乏材力天師奮然
而往不逾月以木棧至高安樟木江口距觀
九十里命戍人繫繫縛各就宿江岸臨暮飛
黑符一道中夜烈風雷雨比明棧已在壇下
矣凌抹嶺谷所當之路林木披靡摧折又於
山下發一窖出錢三百千為工役之需應殿
宇非人所居者皆夜役鬼神為之門外鑿三
井以辟火災俗號曰禁火井故久之異迹顯
著唐高宗時偶抵京邑詔除壽春宮妖魅賜
洞真先生至是天后以蒲輪召之天師深隱
巖谷州縣搜求之急不得已而出至都引見
於武成殿后臨問仙事天師止陳道德帝王
治化之源后大喜又欲留於都下委以煉丹

之事天師辭請還山修煉勅遣使齋金壁送
歸行次單父賜書曰先生道位高尚早出塵
俗如軒曆之廣成漢朝之河上遂能不遠十
里來赴三川日御先開望霓裳之漸遠天津
後渡瞻鶴蓋以方遙空睇風雲惆悵無已儻
蒙九轉之餘希遺一丸之藥天師乃於洪崖
先生古壇之際煉丹首尾三年降詔趣召詣
闕至則館於禁中天師辭歸固留不許天師
一朝遁去上聞嘆恨久之遣使齋贈甚厚兼
贈詩一篇云高人協高志山服往山家迢迢
聞風月去去隔煙霞碧岫窺玄洞玉竈煉丹
砂今日星津上延首望靈樞天師歸西山居
於母靖觀有三清中門真君橫堂堂在古
舊亭皆鬼工所造平柱眠枋壘至春新削之
工人或可伴至植立不斜堅固不朽非人可
及梁牌親題年號筆力過勁又自寫其真容
於後殿之壁其居西山人皆師事之千里之
內無疫癘水旱之災無猛鷲天枉之苦遠近
類焉長安三年二月十六日命弟子於遊惟
觀之西北伏龍岡造磚壇藏太玄真符二七

星神劔靈寶真杖各一三日而訖天師正衣
冠坐繩床異香滿室空中雲鶴鳴外人馬之
聲紛紛不絕視之已解脫矣州具以聞賜錢
帛修齋醮復謚曰洞真先生姑蘇先生司馬
貞撰碑具載詳悉開元中天師復出為明皇
所重以詩送還山云仙客歌人間孤雲比性
閑話離情未已煙水萬重山又世傳明皇三
公主從之學道一曰玉真長公主二曰玉真
次公主三曰真一公主其後道成皆隱翔鸞
洞師亦隱去今伏龍山凌雲觀乃師還山所
居公主從之學道處凌雲南去十餘里平地
有山為冢三又師再藏劔印符錄處俗呼曰
三榔至今屬籍凌雲觀其門人高第甚多取
願者曰萬天師蘭天師臨川井山黃花姑云
游惟觀有胡天師畫真像壁一日將頽忽有
一雲水道士至以木板模寫之儼然復前狀
越夕而壁倒道士亦不知所往門堂以宋徽
宗政和六年奉旨重造始撤去今惟真板存
焉
歷世真仙體道通鑑卷之二十七